



Broj: 705/19  
Sarajevo, 12.12.2019. godine

**SAOPŠTENJE  
za članove Sindikata radnika u zdravstvu u Kantonu Sarajevo**

Poštovani članovi Sindikata radnika u zdravstvu u Kantonu Sarajevo,

Ovim putem Vas pisano informišemo da je 09.12.2019. godine održan sedmi sastanak Štrajkačkog odbora Sindikata radnika u zdravstvu u Kantonu Sarajevo i predstavnika Vlade Kantona Sarajevo na kojem je uručen prijedlog Pregovaračkog tima Vlade Kantona Sarajevo o povećanju koeficijenata za određene grupe zanimanja, a za koji je Štrajkački odbor Sindikata radnika u zdravstvu u Kantonu Sarajevo odmah konstatovao da je neprihvatljiv.

Uručeni prijedlog Pregovaračkog tima Vlade Kantona Sarajevo razmatran je na 46. Vanrednoj sjednici Glavnog odbora ovog Sindikata održanoj 10.12.2019. godine, kada je donesena odluka da se odbija ponuda Pregovaračkog tima Vlade Kantona Sarajevo od 09.12.2019. godine jer je data ponuda diskriminirajuća po više osnova, neustavna, licemjerna i omalovažavajuća uz sljedeću konstataciju:

- dostavljeni prijedlog povećanja koeficijenata za određene grupe zanimanja ne sadrži koeficijente složenosti poslova za doktore medicine, doktore stomatologije, doktore medicine i stomatologije specijaliste i doktore medicine i stomatologije subspecijaliste;
- koeficijenti složenosti poslova za zanimanje I grupe, II grupe, III grupe, IV grupe, V grupe, VII/1 grupe, VIII/1 grupe ostaju neizmjenjeni u odnosu na trenutno važeće koeficijente;
- koeficijenti složenosti poslova povećavaju se za 0,10 za zanimanje VI grupe (srednja stručna spremu zdravstvenog usmjerenja), zanimanje VII/2 grupe (viša školska spremu zdravstvenog usmjerenja), zanimanje VIII/2 grupe (visoka stručna spremu zdravstvenog smijera – fakultet zdravstvenih studija), zanimanje IX/1 grupe (magistar farmacije) i zanimanje IX/2 grupe (viša stručna spremu nezdravstvenog usmjerenja i specijalizacija);
- smanjenje koeficijenta složenosti poslova za 0,40 se predlaže za zanimanje IX/3 (visoka stručna spremu zdravstvenog smijera magistar farmacije i specijalizacija) sa sadašnjih 4,50 na 4,10;
- ne radi se o „dodatnim grupama“ koje su označene kao zanimanje IX/1 grupe (visoka stručna spremu – magistar farmacije) i zanimanje IX/3 grupe (visoka stručna spremu zdravstvenog smijera – magistar farmacije i specijalizacija), već o izdvajajući doktora medicine i stomatologije od magistara farmacije, odnosno o izdvajajući doktora medicine i stomatologije sa specijalizacijom od magistara farmacije sa specijalizacijom.

U nastavku slijedi tabelarni pregled zanimanja grupe složenosti poslova sa trenutno važećim koeficijentima, prijedlogom koeficijenata od Sindikata radnika u zdravstvu u Kantonu Sarajevo i prijedlogom koeficijenata od Pregovaračkog tima Vlade Kantona Sarajevo:

Grupe složenosti poslova po Kolektivnom ugovoru o pravima i obavezama poslodavaca i radnika u oblasti zdravstva za područje KS	Važeći koeficijenti	Prijedlog koeficijenata Sindikata radnika u zdravstvu u KS	Prijedlog koeficijenta Pregovaračkog tima Vlade KS
<b>Zanimanje I grupe</b> Jednostavni poslovi - zanimanja za koje je potrebna osnovna škola (poslovi čišćenja radnih, administrativnih i zajedničkih prostorija, skupljanje smeća i drugih otpadaka iz radnih, administrativnih i	1,30	1,40	1,30



zajedničkih prostorija, briga o stanju sredstava za čišćenje i drugi poslovi koji se obavljaju po jednostavnom postupku i sa jednostavnim sredstvima rada)			
<b>Zanimanje II grupe</b> Manje složeni poslovi - zanimanja sa prethodnim priučavanjem za koje je potrebna osnovna škola sa dodatnim funkcionalnim znanjima, vještinama stečenim na tečajevima ili odgovarajućim praktičnim iskustvima. a) poslovi održavanja čistoće u zdravstvenim ustanovama i zavodima (čišćenje, pranje i spremanje bolesničkih soba i ordinacija, dezinfekcija prostorija, predmeta i pribora, transportovanje nečistog rublja i sl.); b) poslovi pranja laboratorijskog posuđa, ambalaže, pribora za rad (priprema oruđa za mikrobiološke postupke, pranje laboratorijskog posuđa, razvrstavanje sterilizovanog posuđa prema namjeni i sl.); c) jednostavni poslovi na uspostavljanju telefonskih veza; d) pomoći poslovi u praonicama rublja, prehrani, serviranju hrane (tehničkim radionicama i sl.); e) pomoći poslovi kod obdukcije, pakovanja sanitetskog materijala i sl.	1,40	1,50	1,40
<b>Zanimanje III grupe</b> Srednje složeni poslovi - zanimanja za koja je potrebna stručna sprema predviđena programom za III stepen obrazovanja odnosno KV radnici: a) poslovi tehničkog održavanja (zanatsko održavanje instalacija, uređaja, vozila, objekata i opreme, poslovi krojača - na nivou zvanja kvalifikovanog radnika i sl.); b) poslovi na pripremi hrane (kuhanje); c) poslovi uspostavljanja veza većeg intenziteta - operater na telefonskoj centrali; d) poslovi običnog transporta bolesnika i drugi opšti prijevoz; e) srednje složeni administrativni poslovi i poslovi evidencija	1,80	2,00	1,80
<b>Zanimanje IV grupe</b> Složena zanimanja - poslovi za koje je potrebna srednja stručna sprema (u	2,20	2,50	2,20



četverogodišnjem trajanju), a obavljaju ih radnici nezdravstvenog usmjerjenja			
<b>Zanimanje V grupe</b> Složeni poslovi - zanimanja za koje je potrebna VKV	2,40	2,70	2,40
<b>Zanimanje VI grupe</b> Složeni poslovi - zanimanja za koja je potrebna srednja stručna sprema zdravstvenog usmjerjenja	2,40	2,70	2,50
<b>Zanimanja VII/1 grupe</b> Složeni poslovi - zanimanja za koja je potrebna viša školska sprema nezdravstvenog usmjerjenja	2,70	3,00	2,70
<b>Zanimanje VII/2 grupe</b> Zanimanje - poslovi za koja je potrebna viša školska sprema zdravstvenog usmjerjenja	2,90	3,20	3,00
<b>Zanimanja VIII/1 grupe</b> Zanimanja - poslovi za koja je predviđena visoka stručna sprema nezdravstvenog usmjerjenja	3,50	3,80	3,50
<b>Zanimanja VIII/2 grupe</b> Zanimanja - poslovi za koja je predviđena visoka stručna sprema zdravstvenog smjera – fakultet zdravstvenih studija	3,50	3,80	3,60
<b>Zanimanje IX/1 grupe</b> Zanimanja - poslovi za koja je potrebna visoka stručna sprema zdravstvenog smjera: 1. doktor medicine 2. doktor stomatologije 3. magistar farmacije.	3,80	4,40	3,90 za magistre farmacije, dok su doktori medicine i stomatologije izdvojeni u zasebnu grupu IX/2 i nema prijedloga
<b>Zanimanje IX/2 grupe</b> Složeni i vrlo složeni poslovi za koje je potrebna visoka stručna sprema nezdravstvenog usmjerjenja i specijalizacija	4,00	4,40	4,10
<b>Zanimanje IX/3 grupe</b> Složeni i vrlo složeni poslovi za koje je potrebna visoka stručna sprema zdravstvenog usmjerjenja i specijalizacija	4,50	5,40	4,10 za magistre farmacije sa specijalizacijom, dok su doktori medicine i stomatologije sa specijalizacijom izdvojeni u zasebnu grupu IX/4 i nema prijedloga




<b>Zanimanja X grupe</b> Složeni i vrlo složeni poslovi za koje je potrebna visoka stručna spremna zdravstvenog usmjerenja i subspecijalizacija	4,70	5,60	Nema prijedloga
--	------	------	-----------------

Iz prednje tabele jasno se zaključuje da prijedlogom, odnosno ponudom povećanja koeficijenata za određene grupe zanimanja, Pregovarački tim Vlade Kantona Sarajevo prvenstveno onemogućava kolektivno pregovaranje i zastupanje svih članova Sindikata radnika u zdravstvu u Kantonu Sarajevo, odnosno onemogućava da doktori artikulišu svoja prava i interesu kroz ovaj Sindikat, te diskriminatorskim prijedlogom povećanja koeficijenata samo pojedinim grupama zanimanja vode daljem raslojavanju radnika u djelatnosti zdravstva i nejednakom postupanju prema radnicima po osnovu ličnog svojstva – zanimanja i socijalnog statusa. O smanjenju koeficijenta magistrima farmacije sa specijalizacijom da i ne govorimo. Ovaj Sindikat to neće dozvoliti, te će poduzeti radnje radi zaštite dostojanstva i poboljšanja položaja svih radnika u djelatnosti zdravstva.

Ujedno koristimo ovu priliku da Vas upoznamo i da smo dana 11.12.2019. godine zaprimili Zaključak Kolegija Skupštine Kantona Sarajevo broj: 01-05-42124-3/19 od 06.12.2019. godine u kojem se navodi da će se inicijativa ovog Sindikata za uvrštanje tačke dnevnog reda i iznalaženje rješenja za okončanje kolektivnih pregovora i štrajka dostaviti Vladi Kantona Sarajevo kako bi uz konsultacije sa Zavodom zdravstvenog osiguranja Kantona Sarajevo i Komisijom za zaštitu javnog zdravlja, sanitarnu zaštitu i zaštitu stanovništva Kantona Sarajevo pripremili materijal koji će se razmatrati na sjednici Skupštine Kantona Sarajevo.

Na kraju, a imajući u vidu da je dana 11.12.2019. godine na internet portalu vijesti.ba objavljen tekst pod naslovom „Štrajk zdravstvenih radnika KS traje, a Sindikatu istekao mandat“, obavještavamo Vas da su u objavljenom tekstu plasirane netačne informacije. Naime, netačno je da je 30.10.2019. godine istekao mandat svim organima Sindikata i da ovaj Sindikat ne može potpisati kolektivni ugovor. Mandat predsjedniku i dopredsjedniku Sindikata radnika u zdravstvu u Kantonu Sarajevo, predsjedniku i dopredsjedniku Skupštine Sindikata radnika u zdravstvu u Kantonu Sarajevo Kantona Sarajevo, kao i organima Sindikata radnika u zdravstvu u Kantonu Sarajevo, i to Glavnom odboru, Nadzornom odboru i Statutarnoj komisiji je, zbog aktivnosti u vezi generalnog štrajka koji je započeo 02.09.2019. godine i koji je još u toku, produžen Odlukom Skupštine Sindikata radnika u zdravstvu u Kantonu Sarajevo broj: 509/19 od 23.09.2019. godine do okončanja generalnog štrajka, kada će se održati Druga Redovna Skupština Sindikata radnika u zdravstvu u Kantonu Sarajevo na kojoj će se birati i verifikovati organi ovog Sindikata, predsjednik i dopredsjednik Sindikata i Skupštine Sindikata, te razmatrati i usvojiti izvještaji o radu u proteklom periodu. Shodno navedenom, predstavnici Sindikata radnika u zdravstvu u Kantonu Sarajevo su legalni i legitimni predstavnici članstva ovog Sindikata i imaju zakonito ovlaštenje da potpišu kolektivni ugovor.



Dostavljeno:

1. Predsjednici osnovnih sindikalnih organizacija x17
2. www.sindikatzdravstvaks.ba
3. A/a